

東園語錄序

昔春秋有孔子胞與爲懷不能行其道於天下日與其徒講學東山一時從遊者皆得所裁成以變化其氣質門弟子輩錄其語言問答倫次而編集之名曰論語雖其中論說不下千萬言而約之則心法推之卽治法也由孔子而來至於今千數百有餘歲矣民風不古世道漸衰不有帝君以維持補救於其間愈趨愈下伊於胡底也今讀東園語錄一書所載詩歌諭文各體因人啟迪隨事箴規仁義禮智植其基也忠孝節廉端其本也語言動作詳其末也本救世憂民之苦衷揭而示人以遷善改過之路實與孔子之言相爲表裏讀是錄者誠體此而遵行之

道藏輯要

東園語錄序

九

續壁集七
川文川

心性復其純良風俗歸於渾厚一世治萬世治萬萬世治則東園亦一東山也語錄亦一論語也孔子先天之帝君帝君後天之孔子也宿映川敬序